



Eigarstyring og selskapsleiing 2020

EIGARSTYRING OG SELSKAPSLEIING 2020

Fjord1 ASA verdset sunn føretaksstyring som gjev aksjonærane styrkt tillit til selskapet og betrar verdien for aksjonærane gjennom effektiv leiing og forbetra kommunikasjon mellom styret og aksjonærane. Føremålet med føretaksstyringa i Fjord1 er å handtere driftsrisikoar, gje størst mogleg verdiskaping og gjere bruk av ressursane i selskapet på ein effektiv og berekraftig måte, slik at det er til nytte for aksjonærane, dei tilsette og samfunnet.

1. Rammeverk for og rapportering om føretaksstyring

Prinsipp og praksis for føretaksstyring i Fjord1 er basert på den norske tilrådinga for eigarstyring og selskapsleiing, som sist blei revidert 17. oktober 2018. Tilrådinga er basert på lovgjeving og børsreglar og er tilgjengeleg på nettsidene til Norsk utvalg for eierstyring og selskapsledelse, www.nues.no. Arbeidet vårt med tilrådinga er basert på «følg-eller-forklar-prinsippet», som vil seie at eventuelle avvik blir gjorde greie for.

Styret vedtok retningslinjer for føretaksstyring 15. august 2017, då selskapet blei notert på Oslo Børs. Retningslinjene inneheld mellom anna instruks for styret, revisjonsutvalet og valkomiteen, utbyttepolitikk, handbok for innsideinformasjon, retningslinjer for investorkontakt og etiske retningslinjer. Rammeverket for føretaksstyring blir revidert og diskutert av styret årleg.

I denne rapporten gjer vi greie for prinsipp og praksis for føretaksstyring i samsvar med rekneskapslova § 3-3b og skildrar korleis Fjord1 etterlever tilrådinga for eigarstyring og selskapsleiing. Rapporten er ein del av årsrapporten. Slik styret ser det, etterlevde Fjord1 tilrådinga i 2020.

Strukturen i denne utgreiinga er lagd opp etter strukturen i tilrådinga for eigarstyring og selskapsleiing.

2. Verksemda

Fjord1 si kjerneverksemd er å drive ferjesamband med tilhøyrande cateringverksemd på fjordar i Noreg. Selskapet driv også passasjerbåtar og er i aukande grad involvert i miljøvennleg turisme i Noreg. Selskapet frakta i alt om lag 16 millionar passasjerar og 8,9 millionar køyretøy i 2020. Aktiviteten i konsernet er i samsvar med paragraf 2 i vedtektene til selskapet:

«Selskapet sitt føremål er sjølv, eller gjennom heilt eller delvis eigarskap i andre verksemder, å drive transport-, kommunikasjons- og reiselivsverksemd.»

Vedtektene er tilgjengelege på nettsidene til selskapet.

Styret har fastsett mål, strategi og risikoprofil for selskapet innanfor rammene av paragraf 2 i vedtektene. Målet med dette er å sikre at ressursane blir brukte på ein effektiv og ansvarleg måte som skaper verdiar for aksjonærane, dei tilsette og samfunnet. Mål, strategiar og risikoprofil blir evaluert og revidert av styret minst éin gong i året. Denne gjennomgangen blir vanlegvis gjort i samband med det årlege strategimøtet i Fjord1. Grunna Covid 19 har ikkje styret lykkast med å gjennomføre dette årlege strategimøte i 2020. Måla og strategien til Fjord1 er omtalt på side 15 i årsrapporten og blir gjort tilgjengeleg på nettsidene til selskapet, www.fjord1.no.

Visjonen til Fjord1 er å vere den sikraste og mest attraktive leverandøren av miljøvennleg ferje- og passasjerbåttransport for kundar, oppdragsgjevarar og andre samarbeidspartnarar. Selskapet tek eit medvite ansvar for miljøet, samfunnet og lokalsamfunna langs norskekysten der vi driv verksemda vår. Selskapet har fastsett retningslinjer for samfunnsansvar, menneskerettar, arbeidstakarrettar, likestilling og ikkje-diskriminering, sosiale forhold, det ytre miljøet, antikorrupsjon og miljøpåverking, i samsvar med rekneskapslova. Dette arbeidet er skildra i nærare detalj under «Ny teknologi og miljø» på side 57 i årsrapporten.

3. Selskapskapital og utbyte

AKSJEKAPITAL

Aksjekapitalen til selskapet er 250 000 000 kroner, fordelt på 100 000 000 aksjar med nominell verdi på 2,50 kroner per aksje.

EIGENKAPITAL- OG KAPITALSTRUKTUR

Per 31. desember 2020 hadde selskapet ein bokført eigenkapital på 2,427 millionar kroner. Dette utgjør 23,5 prosent av dei totale verdiane, og gjeldsgraden er på 3,26.

Selskapet gjorde investeringar i ferjer og infrastruktur i 2020. Selskapet har samtidig fått oppgjør for ferdigstilt infrastruktur og tildelte NOx-midlar. Som eit resultat av dette har netto renteberande gjeld i selskapet gått ned i 2020. Netto renteberande gjeld er venta å gå ned ytterlegare i 2021 på grunn av lågare investeringar, og sal av infrastruktur.

Styret reknar kapitalstrukturen som tilfredsstillande ut frå måla, strategien og risikoprofilen til selskapet.

UTBYTE

Styret har vedteke ein utbytepolitikk med ein intensjon om å betale ut opptil 50 prosent utbyte av årsresultatet etter skatt. Utbytet skal sjåast i samanheng med soliditeten, veksten og resultatutviklinga i selskapet.

Den usikre situasjonen grunna Covid-19 gjorde at styret i 2020 utsette vedtak om utbyte for 2019. Generalforsamlinga i Fjord1 gav styret ei fullmakt til å vedta utdeling av utbyte fram til kommande generalforsamling. Kapitalbinding i infrastruktur, utsett ferdigstilling og økonomisk oppgjør er årsaker til at fullmakt ikkje er nytta

Årsresultatet for 2020 vart NOK 163 millionar som normalt ville medført eit forslag frå styret om utbetaling av utbyte på NOK 81,5 millionar. Fjord1 er framleis påverka av Covid-19 pandemien, og dei vidtrekkande tiltaka frå styresmaktene for å avgrense spreinga av pandemien i Norge. Styret meiner det er tilrådeleg å utsette utbyte inntil vidare.

FULLMAKT TIL AKSJEKJØP FOR STYRET

12. mai 2020 gav generalforsamlinga i Fjord1 fullmakt til at styret kunne kjøpe egne aksjar på vegner av selskapet med samla nominell verdi på opptil 3 millionar kroner, i samband med aksjeplanen for tilsette og insentivplanen for toppleiinga. Dersom selskapet kjøper meir aksjar enn nødvendig etter desse planane, kan ein selje dei på marknaden eller slette dei ved å setje ned aksjekapitalen. Styret avgjer korleis egne aksjar kan skaffast eller avhendast. Godkjenninga er gyldig til generalforsamlinga i 2021, som skal haldast seinast 30. juni 2021.

12. mai 2020 gav generalforsamlinga og styret fullmakt til å kjøpe egne aksjer til en nominell verdi på opptil 10 millionar kroner. Aksjar under fullmakta skal kun nyttast til sletting gjennom kapitalnedsetting, jfr allmennaksjeloven § 12-1. Godkjenninga er gyldig til generalforsamlinga i 2021, som skal haldast seinast 30. juni 2021.

Det er ikkje kjøpt egne aksjer i 2020. I slutten av året hadde selskapet 90 402 egne aksjer, som er tilsvarande antall egne aksjer i starten av året. Meir informasjon om desse transaksjonane finn du i note 13 i årsrekneskapen.

FULLMAKT TIL AUKE AV AKSJEKAPITALEN

12. mai 2020 gav generalforsamlinga og styret fullmakt til å auke aksjekapitalen med inntil 25 millionar kroner ved utferding av inntil 10 millionar aksjar, i ein eller fleire kapitalauker. Styret ba om slik fullmakt då det var vurdert hensiktsmessig at styret skal kunne gjere ei løpande vurdering av behovet for å utstede nye aksjar og / eller ytterlegare kapitaltilførsel. Fullmakta har ikkje vore nytta. Fullmakta er gyldig til generalforsamlinga i 2021, som skal haldast seinast 30. juni 2021.

AVVIK

NUES meiner fullmaktar for kjøp av egne aksjar og kapitalauke bør grunngjevast og avgrensast til definerte føremål. Styret er i utgangspunktet einig med NUES, men meiner det er behov for ein viss fleksibilitet. Så lenge fullmaktene er tydeleg avgrensa i tid og omfang, bør det leggjast til styrets forvaltningsfullmakt å treffe slike avgjerder framfor å avhalde ei ekstraordinær generalforsamling.

4. Likebehandling av aksjeeigarar og transaksjonar med nærstående

FORTRINNSRETT TIL Å TEIKNE AKSJAR

Ved utskrivning av aksjar har dei eksisterande aksjonærane fortrinnsrett til å teikne aksjar med mindre denne retten blir sett til sides av generalforsamlinga eller ho har gjeve styret rett til å setje teikningsretten til sides. Alle avgjerder om å setje teikningsrettar til sides skal grunngjevast og kunngjerast gjennom børsmelding.

Det blei ikkje skrive ut aksjar i 2020.

HANDEL MED EIGNE AKSJAR

Transaksjonar med aksjane til selskapet (til dømes egne aksjar og tilbakekjøpsprogram) skal anten gjennomførast gjennom handelssystemet på Oslo Børs eller til gjeldande prisar på Oslo Børs. Ved avgrensa likviditet i aksjane til selskapet skal selskapet vurdere andre måtar å sikre likebehandling av alle aksjonærane på.

I 2020 kjøpte selskapet ingen egne aksjar gjennom handelssystemet på Oslo Børs – sjå punkt 3, «Selskapskapital og utbytte». Selskapet har for tida ikkje noko aktivt tilbakekjøpsprogram.

TRANSAKSJONAR MED NÆRSTÅANDE

Styret skal sørgje for at prinsippet om armlengdes avstand blir teke i bruk i ikkje-immaterielle transaksjonar mellom selskapet og aksjonærane, eigarselskapet til aksjonærane, styremedlemmer, leiinga eller nærstående til nokon av desse. Dette er forklart i nærare detalj i styreinstruksen til selskapet og dei etiske retningslinjene.

Ved ikkje-immaterielle transaksjonar med nokon av partane som er nemnde ovanfor, og som ikkje krev godkjenning frå generalforsamlinga etter allmennaksjelova, skal styret som eit generelt prinsipp vurdere frå sak til sak om det skal hentast inn ei vurdering frå ein uavhengig tredjepart. Transaksjonar

med nærstående skal alltid gjennomførast på armlengdes avstand og på marknadsvilkår. Dersom transaksjonen blir utført som ein omfattande anbudsprosess med minst tre deltakarar, vil det ikkje bli henta inn ei uavhengig verdivurdering frå tredjepart. Dette er fordi interne retningslinjer i slike tilfelle blir vurderte å vere tilstrekkeleg til å sikre armlengdes avstand og marknadsvilkår. Det blir henta inn uavhengige utgreiingar i dei tilfella der lova krev det.

Styreinstruksen fastset at kvar enkelt styremedlem objektivt og kontinuerleg skal vurdere – og eventuelt opplyse om – alle generelle interessekonfliktar og konfliktar som gjeld spesifikke saker som blir diskuterte.

Havilafjord AS, Havilafjord Holding AS og Havilafjord Holding 2 AS eigde 84,96 prosent av aksjane i Fjord1 ASA ved utgangen av 2020. Havilafjord AS sine aksjar i Fjord1 ASA er stilte som sikkerheit for eit seniorobligasjonslån på 1 000 millionar kroner som er utskrive av Havilafjord AS.

Havilafjord AS er eigd av Havila Holding AS. Havyard Holding AS eig 40,35 prosent av aksjane i Havyard Group ASA, som eig 100 prosent av skipsverftet Havyard Ship Technology AS (HST). Fjord1 tildelte HST to kontraktar med fem nybygg i kvar kontrakt i 2017 og 2018. Investeringane frå Fjord1 i samband med desse kontraktane utgjer 573,8 millionar totalt i 2020. Alle kontraktar om nybygg blir tildelte i samsvar med retningslinjene til Fjord1, og det er krav om minst tre tilbydarar. Dei inhabile styremedlemmene har ikkje delteke i avgjerdsprosessane rundt tildeling av kontraktar.

Selskapet gjev oversikt over transaksjonar mellom tilknytte partar i kvartalsrapportane. Ei fullstendig oversikt over transaksjonar mellom tilknytte partar i 2020 er å finne i note 18 til årsrekneskapen.

5. Fri omsetnad

Selskapet er notert på Oslo Børs. I vedtektene til selskapet er det ingen avgrensingar i eigarskap, handel og stemmerett for aksjonærar.

6. Generalforsamlinga

OM GENERALFORSAMLINGA

Generalforsamlinga er det øvste styringsorganet i selskapet. Styret har det overordna ansvaret for å leie og følgje med på den daglege leiinga og drifta av selskapet. Styret legg til rette for at generalforsamlinga skal vere ein effektiv møteplass for aksjonærane ved å sikre at informasjonen om generalforsamlinga er open, kjem i tide og er tilgjengeleg for alle aksjonærane.

DELTAKING OG GJENNOMFØRING

Generalforsamlinga i selskapet skal kallast inn ved skriftleg melding til alle aksjonærar med kjend adresse. Når dokument som gjeld saker som skal behandlast i generalforsamlinga er gjorde tilgjengelege for aksjonærane på nettsidene til selskapet, gjeld ikkje lovkravet i allmennaksjelova om at dokumenta skal sendast til aksjonærane. Dette gjeld også dokument som etter lova skal innlemmast i, eller leggjast ved innkallinga til generalforsamling. Ein aksjonær kan likevel krevje å få tilsendt saksdokumentasjon til generalforsamlinga per post. Dette er fastsett i paragraf 7 i vedtektene til selskapet.

Alle aksjeeigarar som er registrerte i verdipapirsystemet (VPS), vil få innkallinga og har rett til å fremje forslag og gje stemme direkte eller via fullmakt. Styret skal sørge for at saksdokumentasjonen inneheld detaljert, fullstendig og spesifikk informasjon, slik at aksjonærane kan ta stilling til alle sakene som skal behandlast på generalforsamlinga. Kvar enkelt sak skal stemmast over, og det skal stemmast over kvar enkelt kandidat som er på val.

Styret ønskjer å leggje til rette for at flest mogleg av aksjonærane kan delta. Påmelding skjer skriftleg, anten per post, VPS-konto eller e-post. Påmeldingsfristen er fire dagar før generalforsamlinga. Aksjonærar som sjølv ikkje kan delta vert oppfordra til å vere representert ved fullmektig eller ta bruk av fullmakt. Det blir lagt til rette for at fullmakt kan nyttast i kvar enkelt sak som blir behandla.

Som hovudregel skal representantar frå styret og leiaren av valkomiteen vere til stades på generalforsamlinga. Det er vanlegvis styreleiaren som blir vald til ordstyrar på generalforsamlinga, men styret skal leggje til rette for at det er mogleg å velje ein uavhengig ordstyrar.

I 2020 blei den ordinære generalforsamlinga halden 12. mai og 68,46 prosent av aksjonærane var representerte. Selskapet følgde prosedyrane som er skildra ovanfor i 2020, men grunna Covid-19-situasjonen vart aksjeeigarane oppmoda om å røyste elektronisk og ikkje møte fysisk i generalforsamlinga. Protokollen frå generalforsamlinga er gjort tilgjengeleg på nettsidene til selskapet og offentleggjort via børs melding etter at generalforsamlinga er gjennomført.

7. Valkomit 

Selskapet har vedtektsfesta at det skal ha valkomit , jf. § 6 i vedtektene. Medlemmene skal anten vere aksjon rar eller handle p  vegner av aksjon rane.

Det er utarbeidd retningslinjer for oppg vene til valkomiteen, samansetjing og kriterium. Retningslinjene blei fastsette av generalforsamlinga 7. juli 2017.

Generalforsamlinga vel leiaren av valkomiteen. Medlemmene i komiteen blir valde for to  r og kan bli attvalde  in gong. Medlemmane av valkomiteen skal vere uavhengige av styret i selskapet og leiande tilsette, og dei skal s rgje for at interessene til aksjon rfellesskapet blir tekne hand om. Leiaren av valkomiteen blir vald av generalforsamlinga, og honoraret for valkomiteen blir fastsett av generalforsamlinga.

Oppg vene til valkomiteen er   foresl  kandidatar for val til styret og   gje rettleiing om honorar for medlemmer av styret, underutvalet og valkomiteen. Alle forslag til kandidatar skal vere grunngjevne enkeltvis. Innstillinga skal omfatte relevant informasjon om kandidatane og ei vurdering av om dei er uavhengige av leiinga og styret i selskapet. Forslaga skal vere forankra hos dei st rste aksjon rane i selskapet. Alle aksjon rar kan foresl  kandidatar.

Innstillinga fr  valkomiteen til generalforsamlinga blir gjord tilgjengeleg for styret fire veker fr  generalforsamlinga. Innstillingane skal oppfylle dei krava til samansetning av styre som til kvar tid m tte f lgje av lovgjeving og aktuelt regelverk.

Per 31. desember 2020 hadde valkomiteen desse medlemmene: Anders Taller s (leiar) og Nina Skage. Medlemmene blei attvalde for ein ny to rsperiode i mai 2019. Begge medlemmene er uavhengige av styret og den daglege leiinga i selskapet.

8. Samansetning av styret og det uavhengige styret

Styret i Fjord1 skal i samsvar med § 5 i vedtektene til selskapet ha mellom fem og ni medlemmer. Styreleiaren og dei aksjonærvalde styremedlemmene blir valde av generalforsamlinga basert på innstillinga frå valkomiteen. Medlemmene i styret blir oppmoda om å eige aksjar i selskapet.

Styret i Fjord1 er samansett ut frå selskapet sitt behov for kompetanse, kapasitet og mangfald. Dei tilsette i verksemda skal vere representerte i styret med to styremedlemmer og to observatørar i samsvar med den gjeldande avtalen. Styret skal vere sett saman slik at ein sikrar at det kan handle uavhengig av særinteresser, og skal fungere effektivt som eit kollegialt organ til beste for aksjonærfellesskapet.

Ingen aksjonærvalde styremedlemmer er involverte i den daglege leiinga. Kor uavhengige styremedlemmene er, blir vurdert ut frå kriterium i retningslinjer. Ingen av dei aksjonærvalde medlemmene av styret er tilsette i eller har utført arbeid for Fjord1.

Styret har fem aksjonærvalde medlemmer.

Vegard Sævik og Per Sævik er to av fire eigarar av hovudaksjonærane Havilafjord AS og Havilafjord Holding AS, gjennom holdingselskapet Havila Holding AS. Havila Holding AS eig 40,35 prosent av aksjane i Havyard Group ASA, som igjen eig 100 prosent av Havyard Ship Technology AS. Havyard Ship Technology AS er leverandør av ei rekkje fartøy til selskapet. Vegard Sævik og Per Sævik er dermed ikkje rekna som uavhengige av hovudaksjonærane og dei viktigaste forretningskontaktane til selskapet.

Reuben Munger er grunnleggjar og leiande partner i Vision Ridge Partners, LLC. Eit fond som er forvalta av Vision Ridge Partners, har gitt finansiering til Havilafjord Holding AS i samband med at sistnemnde kjøpte aksjar i Fjord1. Vision Ridge Partners eig, saman med Havilafjord AS og i forpliktande samarbeid, 88,81 prosent av aksjane i Fjord1. Reuben Munger er dermed ikkje rekna som uavhengig av hovudaksjonærane. Reuben Munger har ingen avtalar, forretningar eller uformelle ordningar med Havyard Ship Technology AS eller andre viktige forretningskontaktar i selskapet og er rekna som uavhengig av viktige forretningskontaktar.

Siri Hatland og Birthe Cecilie Lepsøe er begge rekna som uavhengige av hovudaksjonærane og dei viktigaste forretningskontaktane til selskapet.

Dermed er to av dei aksjonærvalde styremedlemmene uavhengig av hovudaksjonærane i selskapet, og tre av dei fem aksjonærvalde medlemmene av styret er uavhengige av dei viktigaste forretningskontaktane til selskapet.

14. mai 2020 blei det kunngjort at Perestroika AS hadde avtalt eit sal av sine aksjar i Fjord1 ASA til Havilafjord Holding 2 AS. Etter oppkjøpet kontrollerer Havila gjennom Havilafjord AS, Havilafjord Holding AS og Havilafjord Holding 2 AS 84,96 millionar aksjar, som utgjer 84,96 prosent av aksjekapitalen i Fjord1 ASA. Dette oppkjøpet vart finansiert av Vision Rigde Partners. Havila og Vision Rigde kontrollerer til saman 88, 8 prosent av aksjekapitalen i selskapet. Styret må vere medvitne om og ta omsyn til interessene til minoritetseigarane når majoritetseigaren no har auka sin eigarpart i selskapet.

Til saman blei det halde 8 ordinære og 2 ekstraordinære styremøte i selskapet i 2020. Ekstraordinære styremøte blir vanlegvis haldne i samband med anbudsprosessar.

Tabellen nedanfor gjev ei oversikt over dei aksjonærvalde styremedlemmene i Fjord1, i kva grad dei er uavhengige, og kva periode dei er valde for:

Name	Role	Consider independent of main shareholders	Consider independent of material business contracts	Served since	Term expires	Participation in Board meetings 2020	Shares in Fjord1 (direct/indirect)
Vegard Sævik	Chair	No	No	2018	2022	7	*
Per Sævik	Member	No	No	2019	2021	8	*
Siri Hatland	Member	Yes	Yes	2018	2022	8	-
Birthe Cecilie Lepsø	Member	Yes	Yes	2020	2021	8	
Reuben Munger	Member	No	Yes	2020	2021	6	
Atle Olav Trollebø	Member	Yes	Yes	2019	2021	8	1 400
Terje Hals	Member	Yes	Yes	2019	2021	8	-
Thomas Rakstang	Observer	Yes	Yes	2019	2021	8	-
Daniel Nedrelid	Observer	Yes	Yes	2019	2021	8	457
Hege Sævik Rabben	Substitute	No	No	2019	2022	1	*
Bjørn Sørli	Substitute	Yes	Yes	2019	2021	0	290
Anne-Mone Strandmann	Substitute	Yes	Yes	2019	2021	0	
Reidar Tangen	Substitute	Yes	Yes	2019	2021	0	624
Karl-Andreas Grinde Pedersen	Substitute	Yes	Yes	2019	2021	0	318
Ole Kjell Eidem	Substitute	Yes	Yes	2019	2021	0	624
Anders Gjestad	Substitute	Yes	Yes	2019	2021	0	-
							3 713

9. Arbeidet til styret

Styret er valt av aksjonærane og har det overordna ansvaret for forvaltninga av konsernet og for å føre tilsyn med den daglege drifta. Styreleiaren skal sørge for at styrearbeidet blir utført på effektivt og korrekt vis.

Allmennaksjelova regulerer oppgåvene og pliktene til styret, mellom anna ansvaret for å sørge for forsvarleg organisering av aktiviteten i selskapet. I tillegg har styret vedteke ein styreinstruks som mellom anna omfattar retningslinjer for saksbehandling og ei tydeleg ansvarsfordeling mellom styret og administrerande direktør, inkludert det ansvaret direktøren har overfor styret. Denne instruksjonen blir revidert årleg.

Styreinstruksjonen krev at kvar enkelt styremedlem objektivt og kontinuerleg vurderer om vedkomande har interesser som kan verke inn på dei sakene styret skal vurdere. Føremålet med denne praksisen er å sikre at forretningsavgjerdene til styret blir tekne på uavhengig grunnlag. Dersom ein styremedlem eller ein som sit i leiinga, må reknast som inhabil i ei bestemt avgjerd, skal ikkje han eller ho ta del i avgjerdprosessen. Dette gjeld også for styreleiaren.

Styret gjer ei årleg evaluering av oppnådde resultat og kompetanse, og denne evalueringa blir lagd fram for valkomiteen. Evalueringa tek føre seg styrearbeidet, arbeidet i utval og bidraget frå dei enkelte styremedlemmene. Denne typen evaluering blei sist gjennomført i 2021.

REVISJONSUTVALET

Revisjonsutvalet er valt av styret og er sett saman av tre av styremedlemmene. Minst éin av medlemmene bør ha erfaring frå rekneskap, økonomi eller revisjon. Størstedelen av revisjonsutvalet skal vere uavhengige styremedlemmer. Revisoren til selskapet deltek i møte når utvalet ber om det.

Revisjonsutvalet er eit førebudende og rådgjevande utval for styret. Hovudoppgåvene til revisjonsutvalet er å

- førebu styreoppfølginga av rekneskapsrapporteringsprosessen
- overvake systema for internkontroll og risikostyring
- halde kontakt med den valde revisoren for føretaket om revisjonen av årsrekneskapen
- vurdere og overvake sjølvstendet og objektiviteten til revisoren overfor føretaket, inkludert i kva grad andre tenester enn revisjon som er levert av revisor, utgjer ein trussel mot sjølvstendet og objektiviteten til revisoren overfor føretaket

Medlemmene av revisjonsutvalet er Vegard Sævik, Siri Hatland og Birthe Cecilie Lepsøe. Vegard Sævik er leiar av revisjonsutvalet. Birthe Cecilie Lepsøe blei vald 24. februar 2020. Birthe Cecilie Lepsøe og Siri Hatland er uavhengige medlemmer. Det blei gjennomført 5 møte i revisjonsutvalet i 2020, og utvalet heldt jamleg kontakt med revisoren til selskapet om revisjon av rekneskapen.

KOMPENSASJONSUTVAL FOR STYRET

Prinsipp og strategiar for godtgjering til leiinga i selskapet blir fastsette av styret. Styret har vurdert behovet for eit kompensasjonsutval, men konkludert med at slike saker kan behandlast av styret.

Ei oversikt over godtgjering til leiinga i 2020 er å finne i note 19 til årsrekneskapen.

10. Risikostyring og internkontroll

Styret er ansvarleg for at selskapet har eigna system for risikostyring og internkontroll. Desse systema skal bidra til effektiv risikostyring for drift og økonomi, inkludert relevant rapportering i samsvar med lovgjevinga. Styret vurderer risikostyring og internkontroll i selskapet årleg, vanlegvis i samband med det årlege strategimøtet.

Systema for internkontroll og risikostyring skildrar roller og ansvar, prosessar og prosedyrar, verktøy og dokumentasjon, og standardar, inkludert vurdering av verdiskaping for aksjonærane, dei tilsette og samfunnet. Selskapet har mellom anna etablert interne prosedyrar som skal sikre omfattande og påliteleg rapportering om økonomiske og driftsmessige resultat. Som ein del av kontrollen med driftsresultat og risiko har selskapet eit system for prosjektgjennomføring som omfattar overvaking av prosjektrisikoar for å kunne drive effektiv risikostyring og sikre god planlegging, styring, gjennomføring og økonomisk oppfølging av prosjekt, til dømes nybygg.

Konsernrekneskapen til Fjord1 blir avlagd etter det IFRS-regelverket som gjeld. Styret får periodiske rapportar om dei økonomiske resultatane til selskapet og ei skildring av status for dei viktigaste enkeltprosjekta i konsernet. I tillegg blir det utarbeidd kvartalsvise økonomirapportar som blir vedtekne av styret i forkant av kvartalsrapporteringa. Revisor deltek på møte med revisjonsutvalet og i styremøte ved framlegging av førebels årsrekneskap.

Selskapet har etablert varslingsrutinar, slik at dei tilsette kan varsle anonymt om situasjonar der det blir handla ulovleg eller uetisk.

I årsmeldinga frå styret er dei største risikofaktorane for selskapet skildra.

11. Godtgjering til styret

Generalforsamlinga fastset årleg honorar til medlemmene i styret etter innstilling frå valkomiteen. Honoraret skal reflektere ansvar, kompetanse, tidsbruk og kompleksiteten i selskapet. Medlemmene av underutvalet får eit tilleggshonorar. Godtgjeringa av styret er ikkje resultatavhengig, og det blir ikkje skrive ut opsjonar til styremedlemmene. Styret i selskapet fekk i 2020 ei samla godtgjering på 2 millionar kroner. Fleire detaljar om godtgjeringa til styret er å finne i note 19 i årsrekneskapen for 2020.

Som hovudregel har ingen av styremedlemmene oppgåver for selskapet utover styrevervet. Om dei skulle ha det, skal heile styret vere opplyst om dette. Godtgjeringa for slike ekstraoppgåver skal vedtakast av styret. I 2020 har ingen av dei aksjonærvalde medlemmene av styret hatt oppgåver for selskapet utover styrevervet.

12. Godtgjering til leiande tilsette

Føremålet med godtgjeringa til leiinga er delvis å sikre at leiande tilsette blir verande i selskapet, og delvis å sikre ein sterk resultatkultur som skaper verdiar for aksjonærane over tid.

Styret utarbeidde og følgde retningslinjer for godtgjering av leiande tilsette i 2020. Retningslinjene blei gjorde kjende på generalforsamlinga 12. mai 2020, som ein del av sak 6, «Handsaming av styret si erklæring om fastsetjing av løn og annan godtgjersle til leiande tilsette i selskapet». Fråsegna om fastsetjing av løn og anna godtgjersle blei gjort tilgjengeleg for alle aksjonærer før generalforsamlinga på nettsidene til selskapet. Retningslinjene i denne fråsegna skilde tydeleg mellom kva for retningslinjer som var rådgjevande, og kva for nokre som var bindande. Generalforsamlinga 12. mai 2020 vedtok både dei rådgjevande og bindande retningslinjene.

Godtgjeringa til leiande tilsette er sett saman av ei fast grunnløn og vanlege pensjons- og forsikringsordningar, ei variabel løn og eit insentivsystem. Den variable godtgjeringa er ein bonus som er basert på oppnåing av individuelle mål. Den maksimale bonusen er fastsett til seks månaders grunnløn.

Detaljar om godtgjering av leiande tilsette er å finne i note 19 til årsrekneskapen.

13. Informasjon og kommunikasjon

Retningslinjene for investorkontakt er baserte på IR-tilrådinga frå Oslo Børs, som sist blei oppdatert i juli 2019. Open og presis kommunikasjon til rett tid om økonomisk og annan relevant informasjon er hovudprinsippa i kommunikasjonen til selskapet, i tillegg til likebehandling av investorar. Styret har vedteke retningslinjer for investorkontakt som skal rettleie kommunikasjon med og aktivitetar retta mot investorane.

Hovudføremålet med formidling av økonomisk informasjon er å vise fram dei langsiktige måla og potensialet til selskapet, inkludert strategiar, verdiskapande element og viktige risikofaktorar. Alle viktige dokument, til dømes årsrapportar, kvartalsrapportar og viktige nyheiter, blir publiserte gjennom børsmeldingar på Oslo Børs. Informasjonen er også tilgjengeleg på nettsidene til selskapet. Informasjonen blir publisert på norsk og engelsk. Kvartalsrapportane blir vanlegvis presenterte av administrerande direktør på kunngjeringsdagen – på eit ope og offentleg arrangement, i tråd med tilrådinga frå Oslo Børs.

Selskapet har kontinuerleg dialog med investorar og analytikarar på konferansar og andre arrangement. Før kvar kvartalsrapportering har selskapet ein «stilleperiode» på 30 dagar. I denne perioden er selskapsleiinga ikkje tilgjengeleg for diskusjon med investorar og analytikarar. Administrerande direktør og økonomi- og finansdirektøren er kontaktpersonane for investorar og analytikarar.

14. Selskapsovertaking

I vedtektene til selskapet er det inga avgrensing når det gjeld kjøp av aksjar i selskapet. Styret skal i eventuelle oppkjøpssituasjonar bidra til at aksjeeigarane i selskapet blir likebehandla, og til at verksemda til konsernet ikkje blir unødig forstyrra i den daglege drifta. Styret skal bidra til at aksjeeigarane har god nok informasjon og tid til å kunne ta stilling til eit oppkjøpstilbod. I tilfelle det blir sett fram bod på overtaking av aksjane i selskapet, skal styret uttale seg med ei vurdering av bodet og ei rettleiing til aksjeeigarane om dei bør akseptere bodet eller ikkje.

Styret bør i denne vurderinga mellom anna ta omsyn til korleis eit eventuelt oppkjøp vil verke inn på den langsiktige verdiskapinga i selskapet, i samsvar med tilrådinga for eigarstyring og selskapsleiing.

15. Revisor

Den eksterne revisoren til selskapet, PwC, er vald av generalforsamlinga og er uavhengig av selskapet.

Styret sørgjer for at revisoren skildrar hovudtrekka i planen for gjennomføring av revisjonsarbeidet, og denne planen blir delt med revisjonsutvalet ein gong i året. Vidare skal revisoren delta i styremøte der årsrekneskapen blir behandla. Revisoren skal minst ein gong i året gå gjennom interne kontrollsystem i Fjord1 med revisjonsutvalet, inkludert synlege svakheiter og forslag til forbetringar.

Revisoren har minst ein gong i året møte med styret utan at leiinga i selskapet er til stades. Revisoren skal årleg stadfeste skriftleg til styret at dei fastsette krava til sjølvstendet til revisoren er oppfylte.

Styret orienterer generalforsamlinga om honorar til revisor fordelt på revisjon og andre tenester utover revisjon. Selskapet skal vurdere slike andre tenester frå sak til sak for å sikre sjølvstende.